



# ISUMAGINNITTOQARFIK AQQUTIGALUGU INISSAMIK INNERSUUSSISARNEQ

pillugu maleruaqqusat dd mm 2018-imeersut

## Kommuneqarfik Sermersuumi Isumaginnittoqarfik aqqutigalugu inissamik innersuussisarneq pillugu maleruaqqusat

### Kapitali 1 Ataatsimiitap katitigaanera suleriaasialu

§ 1. Inissamik innersuussisartut (BVU) Nuummiittut ukuningga  
ilaasortaqrput:

- Meeqqanut Ilaqutariinnermullu immikkoortortaqrarfimmi  
immikkoortortami aqutsisoq, Meeqqanut Ilaqutariinnullu Ingerlatsivik
- Oqartussaaffeqarfiup immikkoortortaanut Isumaginninnermut  
siunnersortinut pisortaqr, Suliffeqarnermut Isumaginnernullu  
Ingerlatsivik
- Inunnut innarluutilinnut tarnimikkullu nappaatilinnut sullissinnermut  
imikkoortortami aqutsisoq, Suliffeqarnermut Isumaginnernullu  
Ingerlatsivik
  
- Siulittaasumut sinniisussaqr: Siulittaasup tullia
- Meeqqanut Ilaqutariinnermullu Immikkoortortami aqutsisumut  
sinniisussaqr: immikkoortortami aqutsisup tullersortaa
- Oqartussaaffeqarfiup immikkoortortaanut aqutsisumut sinniisussaqr:  
immikkoortortami aqutsisoq
- Inunnut innarluutilinnut tarnimikkullu nappaatilinnut sullissinnermut  
imikkoortortami aqutsisumut sinniisussaqr: Ulluunerani neqeroorutinut  
immikkoortortami aqutsisoq.

*Imm. 2.* Innersuussisaratoqatigiit siulittaasutut, siulittaasup tulliatut  
allatsitullu toqqagaaffiit ukiup ataatsip ingerlanerani ilaasortat akornanni  
paarlakaalluni atuuttassapput.

*Imm. 3.* Innersuussisaratoqatigiit aalajangiisinnaatitaavoq ikinnerpaamik  
ilaasortat imaluunniit sinniisussat ataatsimiigiarneqartut najuuppata.

*Imm. 4.* Innersuussisaratoqatigiit nalinginnaasumik taasititsinikkut  
aalajangiissapput. Amerlaqatigiinnik taasisoqartillugu siulittaasup  
imaluunniit taanna najuutsinnagu siulittaasup tulliaata taasineru  
aalajangiisuusassaaq.



## ISUMAGINNITTOQARFIK AQQUTIGALUGU INISSAMIK INNERSUUSSISARNEQ

pillugu maleruaqqusat dd mm 2018-imeersut

---

**§ 2.** Illoqarfinni Paamiuni Tasiilamilu najukkami inissamik innersuussisartoqatigiiliortoqassaaq.

Innersuussisartoqatigiinni tamani ilaasortat ukuupput:

- Illoqarfimmut pineqartumut suliatigut siunnersorti (illoqarfiit nunaqarfillu)
- Meeqqanut ilaqutariinnullu sullissisoq
- Inersimasunut sullissisoq

*Imm. 2.* Suliatigut siunnersorti innersuussisartoqatigiinni siulittaasuvoq. Taanna najuutsinnagu pineqartup tullersortaa siulittaasuusaaq. Innersuussisartoqatigiit iluminni ilaasortamik allatsimik toqqaassapput.

*Imm. 3.* Innersuussisartoqatigiit aalajangiisinnaatitaavoq ikinnerpaamik ilaasortat imaluunniit sinniisussat ataatsimiigiaqquneqartut najuuppata.

*Imm. 4.* Innersuussisartoqatigiit nalinginnaasumik taasititsinikkut aalajangiissapput. Amerlaqatigiinnik taasisoqartillugu siulittaasup imaluunniit taanna najuutsinnagu siulittaasup tulliaata taasinera aalajangiisuusassaaq.

**§ 2a.** Ittoqqortoormiini najukkami innersuussisartoqatigiiliortoqassaaq.

Innersuussisartoqatigiinni ilaasortat ukuupput:

- Najukkami allaffissornikkut aqutsisoq
- Innuttaasunut Sullissivimmi sulisoq
- Isumaginninnermut tunngasunik suliaqartoq

*Imm. 2.* Immikkoortumi aqutsisoq innersuussisartoqatigiinni siulittaasuvoq. Innuttaasunut Sullissivimmi sulisoq siulittaasup tulleralugu. Isumaginninnermut tunngasunik suliaqartoq innersuussisartoqatigiinni allattaavoq.

*Imm. 3.* Innersuussisartoqatigiit aalajangiisinnaapput amerlanerpaamik ilaasortat ataatsimiigiaqquneqartunit marluk najuuppata.

*Imm. 4.* Innersuussisartoqatigiit nalinginnaasumik taasititsinikkut aalajangiissapput. Amerlaqatigiinnik taasisoqartillugu siulittaasup imaluunniit taanna najuutsinnagu siulittaasup tulliaata taasinera aalajangiisuusassaaq.



## ISUMAGINNITTOQARFIK AQQUTIGALUGU INISSAMIK INNERSUUSSISARNEQ

pillugu maleruaqqusat dd mm 2018-imeersut

**§ 3.** Innersuussisartoqatigiit sapinngisamik qaammammut ataasiarlutik imaluunniit pisariaqartitsisoqartillugu ataatsimiittassapput. Ataatsimiinnerit tele attaveqaatit atorlugit ingerlanneqarsinnaapput. Innersuussisartoqatigiit, allanik taaseqataanatik ataatsimiinnermi najuuttussanik pisariaqartitsisoqartillugu najuutsitsisinnaapput.

*Imm. 2.* Siulittaasoq sivikinnerpaamik ullunik pingasunik sioqqutsisumik ileqquusumik ataatsimiigiaqqusissaaq, ataatsimiinnermi oqaluuserisassat ilanngullugit nassiullugit.

*Imm. 3.* Oqaluuserisassanut immikkoortut makku aalajangersimasuussapput:

1. Oqaluuserisassat akuerineqarnerat
2. Imaqarniliap akuerineqarnera
3. Inissianik qassinik tunniussisoqarsimanersoq pillugu ilisimatitsissut
4. Utaqqisut allattorsimaffiannik misissuineq nutarterinerlu
  - a) allaffeqarfimmit akuersissutit pillugit ilisimatitsissut
  - b) qinnuteqaatit takkuttut/innersuussutit suliarinerat
5. Ilisimatitseqatigiinneq

*Imm. 4.* Qinnuteqaatit kinguartinneqarsinnaanngitsut Siulittaasup Siulittaasullu tulliaata ataatsimoorlutik aalajangiiffigissavaat, kingornagullu innersuusseqatigiittartunut ilisimatitsissutigalugu.

Paamiuni Tasiilamilu suliatiqut siunnersortit aqutsisuat, Ittoqqortoormiini immikkoortortami aqutsisoq, suliani kinguartinneqarsinnaanngitsuni aalajangiisassapput, kingornatigullu innersuusseqatigiittartunut ilisimatitsissuteqarlutik.

*Imm. 5.* Allatsip ataatsimiinnermi aalajangiinernut imaqarniliornissaq isumagissavaa. Imaqarniliaq nassiunneqassaaq ataatsimeereernerup kingorna kingusinnerpaamik ullut pingasut qaangiuppata.

*Imm. 6.* Kommunimi illoqarfiit immikkoortuinut tamanut utaqqisunut allattorsimaffiortoqassaaq. Innersuusseqatigiittartuni siulittaasup isumaginnittoqarfik aqqutigalugu inissarsiortut utaqqisunut allattorsimaffiat aqussavaa. Innersuusseqatigiittartut ataasiakkaat ataatsimoorlutik pisortat inissiatileqatigiiffiitut kommunillu sullissisuiunut attaveqarnissaq akisussaaffigaat.

*Imm. 7.* Nuummi innersuusseqatigiittartut illoqarfiit immikkoortuinut tamanut kommunimi ataatsimiititamut akisussaasumut ataatsimoortumik ukiumoortumik nalunaarusiortassapput aammalu inissiat agguataarneqartut pillugit kisitsisitigut paasissutissiisassallutik.



# ISUMAGINNITTOQARFIK AQQUTIGALUGU INISSAMIK INNERSUUSSISARNEQ

pillugu maleruaqqusat dd mm 2018-imeersut

**§ 4.** Suliart nukingernartut, maleruaqqusani sanioqqunneqarsinnaanngitsut, innersuusseqatigiittartuni ataasiakkaani siulittaasumit aalajangiiffiqarsinnaapput imaluunniit taanna pisinnaanngippat siulittaasup tullianit. Suliart nalornissutaasut Innersuusseqatigiittartunit suliarineqassapput.

*Imm. 2.* Ilitsersuusiortoqassaaq, taannalu Innersuussisartoqatigiit ataasiakkaarlutik akuersissutigissavaat ingerlatsivimmilu ilitsersuutitut najoqqutassanut ilanngunneqassalluni.

*Imm. 3.* Siulittaasup aalajangiineri (aningaasaliissutit) Innersuussisartoqatigiit ataatsimiinnissaanut tullermut ilisimatitsissutitut saqqummiunneqassapput.

## Kapitali 2

### Innersuussisartoqatigiit suliassaar pisinnaatitaaffiilu

**§ 5.** Innersuusseqatigittartut inissianit atugassanit agguaaassinissamut malittarisassaliussapput.

*Imm. 2.* Isumaginnittoqarfik aqqutigalugu inissianik agguaatassanut qinnuteqaatit akuersisat tulleriiaakkat pillugit Innersuusseqatigiittartut utaqqisut allattorsimaffiannik suliaqarlutillu nutarterisassapput, taakkununga ilanngullugu Innersuusseqatigiittartut utaqqisunut allattorsimaffiutaanni qinnuteqartut tulleriiaarlugit ataavartumik isummerfigineqartassapput.

## Kapitali 3

### Isumaginnittoqarfik aqqutigalugu inissianik tunniussineq aamma utaqqisut allattorsimaffianni tulleriiaarineq

**§ 6.** Qinnuteqartoq nammineq inissarsiortuussaaq aammalu Kommuneqarfik Sermersuumi inissiaatileqatigiiffimmi inissarsiortutik utaqqisut allattorsimaffianni allatsissimassalluni.

*Imm. 2.* Qinnuteqartup uppersarsassavaa nammineq Kommuneqarfik Sermersuumi najukkat ilaanni pisinikkut attartornikkulluunniit, imaluunniit pisortat inissiaataannut kissaatigisamik nuukkusunneq aqqutigalugu naleqquttumik inissarsinnaannginneq. Qinnuteqartoq kaammattorneqassaaq inissarsioqqullugu, assersuutigalugu najukkami tusagassiorfiit allalu nutaarsiassaqartitsiviit aqqutigalugit imaluunniit tamanut allagarsiisariit aqqutigalugit.



## ISUMAGINNITTOQARFIK AQQUTIGALUGU INISSAMIK INNERSUUSSISARNEQ

pillugu maleruaqqusat dd mm 2018-imeersut

---

*Imm. 3.* Innersuusseqatigiittartut immikkorluinnaq pisoqartillugu imm 1imi aamma 2mi piumasaqaatit atunngitsoortissinnaavaat, qinnuteqartoq § 7 imm. 4 naapertorlugu pinasuartumik inissamik pisariaqartitsippat.

**§ 7.** Qinnuteqartoq nammineq inissamik tunineqanngikkuni meeqqamut, inuunerminik, peqqissutsikkut ineriartornikkullu aarlerinartorsiorlutut nalilerneqartumik angajoqqaatut oqartussaassuseqartoq, aammalu inissamik tunisinnissaq meeqqamut/ilaqutariinnut iliuusissatut pilersaarusiarmut ilaatinneqarpat, utaqqisut allattorsimaffianni tulleriiaarinermi salliutinneqartutut tunineqassaaq.

*Imm. 2.* Qinnuteqartut meeqqamut nammineq imaluunniit pisortanit ulloq unnuarlu angerlarsimaffimmut inissinneqarsimasunut angajoqqaatut oqartussaassuseqartut, utaqqisut allattorsimaffianni pingaarnersiuiinermi aappaatut inissinneqassapput, inissamik tunisinnissaq meeqqamut/ilaqutariinnut iliuusissatut pilersaarusiarmut ilaatinneqarpat.

*Imm. 3.* Inuusuttut, ulloq unnuarlu angerlarsimaffimmit/ angajoqqaarsiaminnit imaluunniit isumaginnittoqarfik aqqutigalugu sullinneqarnerminnit nuunnissamik piareersartut, utaqqisut allattorsimaffianni pingaarnersiuiinermi pingajuattut inissinneqassapput.

*Imm. 4.* Qinnuteqartut, nakorsamit uppersarsateqarlutik sivisuumik imaluunniit inuunerminik navianartorsiutaasumik napparsimasutut nalunaarsorsimasut, imaluunniit nakorsamit uppersarsarneqartumik tarnikkut nappaateqartut imaluunniit annertuumik piginnaasakillisimasut utaqqisut allattorsimaffianni pingaarnersiukkut sisamaattut inissinneqassapput.

*Imm. 5.* Qinnuteqartoq, inatsisit sukkulluunniit atuuttut naapertorlugit utoqqalinersiaqarsinnaatitaasoq, Kommuneqarfik Sermersuumi illoqarfiit ilaanni namminerisamik ineqanngitsoq, isumaginnittoqarfik aqqutigalugu inissamik tunineqartariaqarneranik pisariaqarsorisaq, utaqqisut allattorsimaffianni pingaarnersiuiinermi tallimaattut inissinneqassaaq.

*Imm. 6.* Qinnuteqartut, iliuusissamik piginnaanngorsaqqinnissamullu pilersaarusiortifigineqarsimasut, aammalu inuit atornerluinerminnik katsorsartittut pinerluuteqarsimasunullu inissiisarfimmit aninissamut piareersartut utaqqisut allattorsimaffianni pingaarnersiuiinermi arfinilissaattut inissinneqassapput.

*Imm. 7.* Qinnuteqartut, katissimasap/inooqatigisap toqunerata kingunerisaanik suliffimmut atatillugu inigisamik, pigalugu inigisamik attartukkamilluunniit annaasaqartut, inissiamik kingornussisinnaanngitsut, utaqqisut allattorsimaffianni pingaarnersiuiinermi arfineq-aappaattut inissinneqassapput.



## ISUMAGINNITTOQARFIK AQQUTIGALUGU INISSAMIK INNERSUUSSISARNEQ

pillugu maleruaqqusat dd mm 2018-imeersut

**§ 8.** Innuttaasoq, inigisaminik kommmunimit allaffissornikkut kukkusooqarnerata kingunerisaanik annaasaqarsimasoq, isumaginnittoqarfik aqqutigalugu inissiamik tuneneqassaaq Innersuussisartoqatigiit malittarisassaasavaqqullugit.

**§ 9.** Innersuussisartoqatigiinni aalajangerneqarpat qinnuteqartoq utaqqisut allattorsimaffiannut inissinneqassasoq, peqatigitillugu innersuussisartoqatigiinni aalajangerneqassaaq, pineqartoq pissutsit atuuttut naapertorlugit inissiamut qanoq angitigisumut allatsissanersoq.

*Imm. 2.* Qinnuteqartoq isumaginnittoqarfik aqqutigalugu inissiamik tunineqassasoq pillugu aalajangiinerup kinguninnguagut inissaanik neqeroofigineqarsinnaanngippat, qinnuteqartoq tulleriiaarisarnermi allassimaffissaanut allatsissaaq, akuersinermi ulloritinneqartoq najoqqutaralugu, aalajangiinerlu pillugu allaffigineqassalluni.

*Imm. 3.* Qinnuteqartoq utaqqisut allattorsimaffiannut allatsissimasoq innersuussisartoqatigiit nalilersuinerat naapertorlugi utaqqisut allattorsimaffianniittunut allanut sanilliullugu pinasuarnerusumik inissamik pisariaqartitsippat, innersuussisartoqatigiit toqqarsinnaavaat pineqartup utaqqisut allattorsimaffianni piffissami tunineqarfimmini allattorsimaffimmeeqatiminit qaffasinnerusumut inissinneqarnissaa.

*Imm. 4.* Utaqqisut allattorsimaffianni nalilersuutit allannguuteqarpata, innersuusseqatigiittartut eqqarsaatersuutigissavaat allanneqartunut tulleriiaarinissamik allannguuteqaataassanersoq imaluunniit akuersissut utertinneqassanersoq.

**§ 10.** Utaqqisut allattorsimaffianni siullerpaamut inissamik tunniussisoqassaaq, innersuusseqatigiittartut naliliinerat naapertorlugi inissaq tassunga naleqquttuuppat.

*Imm. 2.* Qinnuteqartut, inissamik neqeroorummik itigartitsisut isumaginnittoqarfik aqqutigalugu inissamik tunineqarnissamik pisinnaatitaaffik annaassavaat, uttaqqisullu allattorsimaffiannit peerneqarlutik.

*Imm. 3.* Qinnuteqartut illoqarfimmi isumaginnittoqarfik aqqutigalugu inissarsiorlutik utaqqisut allattorsimaffiannut allatsissimasut allamut nuuttut, illoqarfimmi tassani isumaginnittoqarfik aqqutigalugu inissarsionertik annaassavaat. Kommunimi illoqarfimmut allamut, kommunimut allamut imaluunniit nunamut allamut ukiut marluk tikillugit pilersaarutaasumik utaqqiisaasumik nuuttoqassappat, utaqqisut allattorsimaffiannut allatsinneq attatiinnarneqarsinnaavoq, pissutsit allatsinnissamut toqqammavigneqartut sulit atuuppata.



# ISUMAGINNITTOQARFIK AQQUTIGALUGU INISSAMIK INNERSUUSSISARNEQ

pillugu maleruaqqusat dd mm 2018-imeersut

*Imm. 4.* Qinnuteqartut utaqqinerminni nammineq inissamik pisisimasut imaluunniit pisortat inissiaataannut nalinginnaasumik utaqqisut allattorsimaffiat naapertorlugu initaarsimasut, isumaginnittoqarfik aqqutigalugu initaarniartut utaqqisut allattorsimaffiannit peerneqassapput. Taamatuttaaq qinnuteqartut illoqarfimmi sulinerminnut atatillugu inissamik tunineqarsimasut isumaginnittoqarfik aqqutigalugu initaarnissartik annaassavaat.

*Imm. 5.* Isumaginnittoqarfik aqqutigalugu inissarsiorluni utaqqisut allattorsimaffiannut ilannguteqqinneqarnissamik pisariaqartitsisoqaqqilissappat, innuttaasoq pissutsit nutaat naapertorlugit isumaginnittoqarfik aqqutigalugu inissarsiorluni qinnuteqaateqaqqissinnaavoq.

## Kapitali 4 Naammagittaalliorneq

**§ 11.** Itigartitsinerit imaluunniit ilaannakortumik itigartitsinerit, aalajangerneq tiguneraniit sapaatit-akunnerisa sisamat iluanni nalilersoqqitsissinnaavaa (suliassanngorteqqissinnaavaa).

*Imm. 2.* Innersuussisartoqatigiit aalajangiinerisa tiguneraniit sapaatit-akunnerisa sisamat iluanni kommunimi politikikkut ataatsimiititami aalajangiisartumut inaarutaasumik aalajangiiffigeqqullugu suliassanngortinneqarsinnaavoq.

*Imm. 3.* Piffissaliunneqartup malinneqannginnera soqutiginniinnaqarsinnaavoq, malinnissinnaannginnermut pissutaasut naammagittaallortup pisuussutiginnippagit.

## Kapitali 5 Atortuulersinnera

**§ 12.** Maleruaqqusat atuutilissapput Kommunalbestyrelsip akuersissuteqarneranit qaammatip aallartinneranit.



# ISUMAGINNITTOQARFIK AQQUTIGALUGU INISSAMIK INNERSUUSSISARNEQ

pillugu maleruaqqusat dd mm 2018-imeersut

---

Taamaalilluni Kommuneqarfik Sermersuomi kommunalbestyrelsimit 2018-imi xx-ip ulluisa xx-anni akuersissutigineqarpoq.

---

Asii Chemnitz Narup  
Borgmesteri

---

Lars Møller-Sørensen  
Kommunaldirektøri